

Les plus anciens documents linguistiques de la France  
Corpus : (docArles)

Responsable du corpus : Martin Glessgen  
Édition de la charte : Marie Rose Bonnet

## **docArleso26**

Édition critique

**1447.**

*Type de document:* Compte.

*Objet:* Extraits d'un compte trésorai.

*Lieu de conservation:* Archives communales d'Arles, CC 169, f° 10v<sup>o</sup>,  
11r<sup>o</sup>, 27v<sup>o</sup> et 28r<sup>o</sup>.

## Transcription de la charte

1 Diluns a ·XV. del mes de januyer a pagat lo subredich thesaurier a Frances Carras fustier, loqual a fach pres de far 1 port nou en Savoya al pres que l'autre port qual y es de p<sup>re</sup>sent a costat en deduction del pres qual deu costar ·C. flor.· 2 Dimars a ·XIII. de fevrier a pagat lodich thesaurier de commandament dels sindegues e en exequition de ordenansas fachas per lo conselh per lo plazer qual fons fach au rey nostre subeyran senhor per son joyns adveniment quant venc en Arle en summa universal en las causas d'enfra designadas ·CXXV. flor.· 3 Las causas son aquestas· 4 Primo per sieys vedels ·XXIII. flor.· 5 Ite. a Anthoni Grant alias Lobat carratier per los anar querir an sa carreta per dos viages que fes tres flor.· 6 Ite. per cordas per los ligar dos g. ·III. d.· 7 Ite. a Johannin Bogarin per ·XXIII. torchas ·XXIII. flor. ·III. g.· 8 Ite. a Johan Pascalet per vin blanc e roge agut d'el e de Martin Romy e de Margueta layssada del Gorgosson ·XXXVIII. flor.· 9 Ite. p<sup>e</sup>r L<sup>ta</sup> sestiers de civada a noble Johan Talhafer a razon de 1 s. lo sestier ·XVIII. flor. ·IX. g.· 10 Ite. a ·V. fustas quals aneron al davant per Roze au rey nostre subeyran senhor per pan, vin, companage a las gens de lasdichas fustas ·IX. flor. ·VI. g.· 11 Ite. per cordas de lasquals foron fachs estrops a lasdichas fustas ·V. g.· 12 Ite. al vedelier que sostengues los vedels car lo mestre d'ostal los volc aver en doas fes 1 flor.· 13 Ite. a 1 home logadier que anet dire al vedelier que sostengues losdichs vedels ·III. g.· 14 Ite. a dos maselliers losquals andos a caval aneron donar provizion delsdichs vedels tant per lur despensa quant lo loguier delsdichs cavals 1 flor. ·VI. g.· 15 Ite. per 1 home loqual per doas fes anet a Tharascon per saber quant lo rey venrie en Arle ·VI. g.· 16 Ite. a ·VI. homes que aneron culhir

boza e raina per metre en las carrieras quant lo rey intret ·XVIII. g.:

**17** Ite. tant als homes que escoberon las carrieras quant per palas e escobas 1 flor.· **18** Ite. *per* lo loguier d'un home que anet spiar la cassa 1 flor.· **19** Ite. a 1 home que mandet messier Peyre Artiga de Tharascon ayssi 1 flor.· **20** Dimars a treze de fevrier a pagat lodich thesaurier a Thomas Faret d'Avinhon per la pencion laqual la p<sup>re</sup>sent universitat li fay cascun a Totzsans e per lo terme prochanament passat ·IIIcXLVI. coma costa appodixa facha de la man del dich Thomas Faret laqual resta reyre lodich thesaurier ·IIC.Lta. flor.·

**21** Plus li a pagat per lo interesse car es agut paguat en menuda moneda e devie esser pagat en grosses de pacte expres coma consta de la ordenansa del conselh facha a ·XXVIII. de janueyr ·III. flor.

·V. g.· **22** Plus a paguat a Rollant Carle alberguier d'Arle loqual a portat ladicha pencion en Avinhon audich Thomas Faret *per* son trebalh 1 flor.· **23** Segon si las causas e reparations fachas per lodich maystre Isnart declaradas en alcuna cedula *per* el balhada.

**24** Ayssi s'an siec se que i suriet ayset pour la villa de Arle l'an mil ·IIIcXLVII.· **25** Item parmierament pour le mandement de Julian sandigue je ay mis a poynt le gran ferrolh e les aucles de la porta du port monta ·VI. g.· **26** Item a ·XXVII. d'avost je ay fet una clau e garni la sarralha del portal de la cavallarie pour le mandement de Thonon Guigonet ·V. g.· **27** Item a ·XXIX. de septembre Jaumon Raulet pris pour la villa coma syndegue una peyra de nou pals e tres detz de lorc pour ferre hun terme al paty monta ·XVIII. g.· **28** Item a quatre de novembre par le mandement de Jaumelon Raulet sindegue ay mis a poynt la sarralha du portal de Mercat nou monta ·II. g.·

**29** Item apres je ay fet un anel pour la porte de l'ora ·II. g..

**30** Soma tres flor. 1 g..